

CRISTINA GETEK ETA MAITE PEDROSAK PAIRATU TORTURAK AZALDU DITUZTE HAIEN SENIDEEK

AABek 83 tortura kasu bildu dituzte urtea hasi denetik

Nazioartean zein Euskal Herrian debekatua badago ere torturaren praktika indarrean dagoela berretsi zuten AABek zein preso diren emakume biren senitartekoek. Aurten 83 tortura kasu bildu dituzte, erdiak baino gehiago Guardia Zibilak eginak.

Iñaki Uriarte / Bilbo

TORTURAREN praktikak indarrean dirauela berretsi zuten atzo Amnistiairen Aldeko Batzordeek eta torturak salatu zituzten preso biren senideek. Nerea Pedrosa —Sevillan Guardia Zibilak atxilotu zuen Maite Pedrosaren ahizpa— eta Jesus Maria Gete —Donostian Guardia Zibilak atxilotu zuen Cristina Geteren aita— agertu ziren Bilbon eskaintako prentsaurrekoan haien senitartekoek pairatutako tratutxarren berri emateko. Guardia Zibilak Hondarribian atxilotutako Patrizia Velezek ere testigantza eskaini behar zuen atzokoan eta prentsaurrekoan izan zen, baina ez zen lekukotasun hori emateko gai izan.

AABek eskaintako datuen arabera, Guardia Zibilak 46 euskal herritar atxilotu zituen, Poliziak 22 eta Ertzaintzak 15. Azken gorputz polizial horren kasuan salaketa gehienak tortura psikologiko eta mehatxuei dagozkie. Herrialdeei begira, tortura salatu zutenen artean 39 bizkaitarrak dira, 26 gipuzkoarrak, 12 nafarrak, 4 arabarrak eta 2 iparraldeko bizilagunak. Emandako zerrendan ez dago Poliziak eta Ertzaintzak eginiko azken operazio polizialen daturik.

Eraso sexualak emakumeei • Nere Pedrosak eta Jesus Maria Getek haien senideek pairatutakoaren berri eman zuten.

Nerea Pedrosak azaldu zuen bere ahizpak 11 kilo galdu zituela inkomunikaturik egon zen bost egunetan, eta beste preso biren laguntzaz heldu behar izan zuela mintzatokira, arazoak baitzituen ibiltzeko. Haren esanetan, Maite Pedrosak kolpeak jasan zituen; arnasa hartu ezinik, lau aldiz galdu zuen konortea, plastikozko boltsa bat jarri zituelako buruan; elektrodoak ipini zizkieten; eta burua bainera batean sartzeko mehatxua egin zioten.

«Bortxatua izan zen. Ipurditik zein alutik atzamarrak, eskuak eta objektu hotz bat sartu zioten (Guardia Zibilak berak pistola bat zela esan zion). Gorputza ukitu zioten, biluzarazi, eta heriotza mehatxuak pairatu zituen etengabe, beraren kontra zein sendiaren kontra», adierazi zuen Nerea Pedrosak. Gazte horren esanetan, behin baino gehiagotan beste atxilotuak zeuden lekura eramane zuten torturak ikus zitzen.

Maite Pedrosa, inkomunikatuta deklaratu ostean, kartzelaratu izan zen, eta handik telefono dei bat egin ahal izan zuten senide-



Patrizia Velez (eskuinean), Jesus Mari Gete, Nere Pedrosa eta Borja Sarriñandia, atzoko agerraldian.

XOUSE SIMAL

Nere Pedrosa: «Guardia Zibilaren esku zela, nire ahizpa bortxatua izan zen; ipurditik zein alutik atzamarrak, eskuak eta pistola bat sartu zizkieten»

ei. «Senide batek esan zion Madrilén geundela haren egoeraren berri jakiteko. Bere ahizparen erantzuna izan zen inola ere ez zukeela nahi etxeko inork hala ikustea. Etxetik kanpo hiru urte eta erdi daraman pertsona batek hori esateko, denok imajina dezakegu zein egoeratan zegoen».

Mutil-laguna desagertarazteko mehatxua • Jesus Maria Getek, emozioari eusteko zailtasunak zituela, alabak pairatutakoaren berri eman zuen. Haren alaba, Cristina Gete, maiatzaren 3an atxilotu zuten Donostian. Madrilén eman zituen bost egunetan kolpeak, boltsa buruan eta

mehatxuak eta irainak sofritu zituela azaldu zuen. Alabak bidalitako torturen deskribapen idatzia eskuan, esan zuen biluztua eta sexualki iraindua izateaz gain, bortxatuko zuten mehatxua egin ziotela.

«Txistuak, antzu uzteko mehatxu etengabeak eta mutil-lagunaren desagertetaren txantaje arbuigarria jasan zituen Entzutegi Nazionaleko epailearen ateraino bertaraino. Hori guztia Espainiako Estatuaren estrategia politikoaren menpeko arrakasta polizial arbuigarria bermatzeko», adierazi zuen Getek.

Lege proiektu bat adosteko harremanak

AAB-AK zenbait bilera izaten ari dira torturaren praktika errotik kentzea ahalbidetuko lukeen lege proiektu bat adosteko.

Orain arte lau alderdirekin izan dituzte bilerak. Borja Sarriñaindiak azaldutakoaren arabera, proposaturiko neurriak aztertze konpromezua hartu zuten EAJ eta EA alderdiek. IU eta HB, berriz, bat etorri ziren proposaturiko neurriekin. Bestalde, EAEko Arartekoarekin eta Elkarki elkartearen ordezkariekin ere izan dituzte bilerak.

AABek lau neurri zehatz proposatu dituzte Eusko Legebiltzarre-ak bere egin eta Madrilgo Parlamentura eramane ditzan. Lehenik, poliziaren egoitzetan bost egunera arteko inkomunikazioa ahalbidetzen duten Judiziamendu Kriminaleko Legearen 520 eta 527 artikulua bertan behera uztea; bestalde, Espainiako Entzutegi Nazionalen epaitu ordez berezko auzitegi-etan epai ditzatela; hirugarrenik, tortura auziak zabaltzen direnean prozedura arina egitea; laugarrenik, tor-

turapean eginiko deklarazio guztiak baliogabetzat ematea.

AABek informatu zuten izandako bilertan beste zenbait proposamen agertu eta adostu zituztela. Horietako batzuk: komisaria eta atxiloketa zentroetan barne zerbitzuko bideo kamerak jartzea; eta ikerketetarako atxilotuak egun batzuk inkomunikatuta eman behar dituztenean kartzalaratuak izatea epailearen menpe.

Balitzko tratutxarrek kontrolatzeko epaitegi-ko mediku biren presentzia eskatu zuten,

bata epaitegiak berak eramane eta bigarren atxilotuaren senideek.

Epaile sindikatu eta elizako ordezkariekin biltzeko asmoa ere badute AABek. Hilaren 19an Bizkaiko apezpi-kuarekin bilduko dira. Beste bilera batzuk saiatuko dira egiten EAEko Auzitegi Nagusi-ko lehendakariarekin, Bizkaiko auzitegi-ko lehendakariarekin eta sindikatuekin.

AABak kexu dira duela hilabete EAEko Giza Eskubideen batzordearekin biltzeko egin eskariak ez duela-ko erantzunik jaso. X

Inaxi Zeberioaren gorpuak 24 bala zulo zituela diote AABek

■ Atxilotuek hartutako tratua bideoa erakusteko eskatu diote Atutxari

Erredakzioa / Bilbo

«ERTZAINZAK Gernikan zeuden ustezko etakideak atxilotzeko asmo soilak bazuen, nola daiteke Inaxia Zeberioaren gorputzak 24 zulo izatea?», galdetu zuten Amnistiairen Aldeko Batzordeek atzo bidalitako prentsa agiri batean. Juan Maria Atutxa Barne sailburuak Parlamentuan egingo duen agerpenaren aurrean, AABek hainbat galdera zuzendu zituzten publikoki.

AABen esanetan, garrantzitsuena ez da Zeberio tiro guztiak aurrez edo alboz zituela erakustea. AABek zalan-tzan jarri zuten Zeberio lehenen tiro egin izana; «sekula ezin izango da egiaztatu, bertsio bat falta delako». AABen esanetan, euskal gizartearen kezka beste bat da: «Iritzi publikoan bake prozesu demokratikoan amai daitekeen lankidetzak ilusio eta itxaropena pizten duen bitartean, zein punturaino bortizkeria eta indar basatiaren aldeko apustua egiten dutenak bilakatzen diren oztopo gaindiezin».

Aldi berean Parlamentuan egingo duen agerpena baliatuz, Ertzaintzaren esku egon diren hamalau atxilotuetatik hamahiruk jaso duten tratua erakusten duen bideoa erakuts dezan eskatu zioten Barne sailburuari. «Gonbidatzen dugu azal dezan zein sustantzia eman zion Juan Mari Toquerori ospitalean egun eta erdi egon beharra ekarri zioten haluzinazioak sortzeko».

Bestalde, Iñaki Goioaga abokatuak salaketa bat jarriko du Maite Pikaza Basurtuko ospitalean zaintzen duten ertzainek sartzen utzi ez ziotelako. Pikazarentzat espetxeratze komunikatua agindu zuen epaileak, eta beraz, abokatuak ez luke inolako oztoporik izan behar bera ikusteko. X

Inkomunikazio egoera altxatu die epaileak sei presori

Erredakzioa / Bilbo

ATXILOTU eta hamabost egunera, Baltasar Garzon epaileak inkomunikazioa altxatu die Bizkaian eta Gipuzkoan Poliziak atxilotu eta egun preso dauden sei pertsona hauei: Jose Gorostiza eta Segundo Ibarra, Bilboko Santutxu auzokoak; Bixente Askasibar, Bilboko San Inaxiokoa; Joxean Etxebarria, Oiartzungoa; Iker Beristain, Donostiakoa; eta Brigi Arrue, Albizturkoa. X